

BOSNA I HERCEGOVINA  
PARLAMENTARNA SKUPŠTINA  
PREDSTAVNIČKI DOM

Broj: 01-011-138/00.  
Sarajevo, 07.06.2000.

**Z A P I S N I K**

sa 22. sjednice Predstavničkog doma Parlamentarne skupštine BiH,  
održane 06. juna 2000. godine.

Na početku 22. sjednice ( u zakazano vrijeme) predsjedavajući Pero Skopljak je sa žaljenjem konstatovao da sjednica nema kvorum za rad. Rekao je da se Kolegij dogovorio da se izvrši prozivka poslanika i da im se uputi poziv da budu tačni u odnosu na održavanje sjednice, te da će sjednicu prekinuti ukoliko i u roku od pola sata ne bude kvoruma.

Prozivku je izvršila g. Branka Todorović, sekretar Doma.

Tokom prozivke popunio se broj od 22 poslanika, pa je predsjedavajući otvorio 22. sjednicu (u međuvremenu pristigao je još jedan broj poslanika, tako da je sjednica u jednom dijelu radila sa 29 poslanika, 18 iz Federacije BiH, a 11 iz Republike Srpske. Međutim, u toku sjednice neki poslanici su napustili, tako da je sjednica završila rad na ivici kvoruma - sa 22 poslanika.

Poslije intoniranja Himne BiH predsjedavajući je pozdravio sve prisutne poslanike i goste i obavijestio da su odsustvo opravdali: Ivo Mijačević, Raifa Alagić, Suada Muminagić, Hamdija Kulović, Miodrag Deretić, Branislava Jovanović, Ljubomir Zovko i Radenka Balta.

Bez najave odsustvovali su: Edhem Bičakčić, Mediha Filipović, Haris Silajdžić i Ibrahim Spahić (g. Safet Oručević je u ostavci).

Predsjedavajući je otvorio raspravu o prijedlogu dnevnog reda, u kojoj su učestvovali poslanici: Vito Rakić, Nikola Špirić, Branko Dokić, Ivo Divković, Rasim Kadić, Mirko Banjac, Ana Havel, Desanka Rađević, te ministar vanjskih poslova Jadranko Prlić i zamjenik ministra civilnih poslova i komunikacija Nudžeim Rečica.

U toku rapsrave izneseni su prijedlozi za skidanje nekih tačaka iz prijedloga dnevnog reda, kao i za uvrštavanje drugih materijala na razmatranje.

Poslije diskusije predsjedavajući je prvo dao na glasanje kompletan prijedlog Kolegija, koji nije dobio poslaničku većinu – ZA je glasalo 14, a protiv 8 poslanika. Iz FBiH ZA je glasalo 12, a iz Republike Srpske 2 poslanika.

Zatim se Dom izjasnio o svakoj tački predloženog dnevnog reda pojedinačno, a potom o svakom prijedlogu za dopunu odnosno izmjenu dnevnog reda. Glasajući tako, iz predloženog dnevnog reda isključene su, odnosno nisu usvojene sljedeće tačke:

- davanje saglasnosti za ratifikaciju Ugovora o državnoj granici između Federacije BiH i Republike Hrvatske,
- Nacrt zakona o crvenom krstu/križu Bosne i Hercegovine (predlagač Edhem Bičakčić),
- Nacrt zakona o ombudsmenu BiH (predlagač Edhem Bičakčić) i

- Nacrt zaiona o sportu (predlagači poslanici i delegati: S. Tokić, I. Divković, I. Lozančić, M. Herceg i R. Ristić).

Takođe nisu usvojeni prijedlozi poslanika da se u dnevni red uvrste:

- rasprava o skandalu vezanom za g. Šaćirbeja, ambasadora BiH u Ujedinjenim nacijama (predlagač Nikola Špirić);
- izvještaj Komisije o međunarodnim i vanjskim pitanjima o posjeti Republici Hrvatskoj (predlagač Branko Dokić),
- da se donese zaključak da se od Vijeća ministara traži informacija o proceduri donošenja Odluke od 18.2.2000.godine koja reguliše pitanje organizacije Crvenog krsta (predlagač Mirko Banjac).

Povodom ihsoda glasanja o predloženim tačkama dnevnog reda poslanik Rasim Kadić je prigovorio da je ovakav rezultat zbog toga što veliki broj poslanika odsustvuje sa sjednice. Zatražio je od Kolegija da plaćenim oglasom u dnevnim novinama objavi spisaka prisustva poslanika svim sjednicama Predstavničkog doma. Aktuelizirao je svoje poslaničko pitanje postavljeno na prošloj sjednici, da PIK zatraži smjenu poslanika koji kontinuirano ne prisustvuju sjednicama. Zatražio je da Kolegij kod OSCE-a ubrza postupak zamjene poslanika koji su podnijeli ostavke na poslaničku dužnost.

Sumirajući rezultate glasanja predsjedavajući je konstatovao da je za 22. sjednicu Predstavničkog doma usvojen sljedeći

#### **D N E V N I R E D:**

1. Usvajanje zapisnika za 20. sjednice Predstavničkog doma;
2. Davanje saglasnosti za ratifikaciju:
  - a) Sporazuma između Vijeća ministara BiH i Vlade Republike Slovenije o saradnji u oblasti kulture, obrazovanja i nauke;
  - b) Sporazuma između Vlade SAD i Vijeća ministara BiH o ekonomskoj, tehničkoj i srodnoj pomoći za BiH;
  - c) Sporazuma između Bosne i Hercegovine i Republike Hrvatske o uređenju graničnog željezničkog saobraćaja;
  - d) Ugovora o finansijskoj pomoći između BiH i SAD za opštinsku infrastrukturu i usluge;
  - e) Sporazuma između Vlade Republike Italije i Vijeća ministara BiH o konsolidaciji određenih dugova;
  - f) Ugovora o odobrenju tranzita za jugoslovenske državljane koji su obavezni da napuste državu boravka;
  - g) Aneksa Sporazumu o konsolidaciji duga između Vlade Velike Britanije i Vijeća ministara BiH;
3. Godišnji izvještaj Centralne banke BiH za 1999. godinu,
4. Nacrt zakona o odlikovanjima Bosne i Hercegovine,
5. Nacrt zakona o konkurenciji,
6. Nacrt zakona o arhivskoj građi i Arhivu Bosne i Hercegovine,
7. Inovirani izvještaj o ispunjavanju uslova za prijem BiH u Vijeće Evrope,
8. Izvještaj o učešću delegacije BiH na 56. zasjedanju UN Komisije za ljudska prava (UNCHR) koja se održava u Ženevi od 20. marta do 28. aprila 2000. godine,
9. Odgovori na poslanička pitanja i pitanja poslanika.

### **Ad – 1: Usvajanje zapisnika sa 20. sjednice Predstavničkog doma**

O zapisniku nije bilo diskusije.

Od 22 prisutna ZA Zapisnik glasao je 21 poslanik. Prema tome, Zapisnik sa 20. sjednice je usvojen.

### **Ad – 2: Davanje saglasnosti za ratifikaciju....**

Povodom ove tačke dnevnog reda nije bilo diskusije. Glasanje je obavljeno u paketu o svim sporazumima odnosno ugovorima.

Dom je jednoglasno (22 prisutna poslanika) dao saglasnost za ratifikaciju:

- a) Sporazuma između Vijeća ministara BiH i Vlade Republike Slovenije o saradnji u oblasti kulture, obrazovanja i nauke;
- b) Sporazuma između Vlade SAD i Vijeća ministara BiH o ekonomskoj, tehničkoj i srodnoj pomoći za BiH;
- c) Sporazuma između Bosne i Hercegovine i Republike Hrvatske o uređenju graničnog željezničkog saobraćaja;
- d) Ugovora o finansijskoj pomoći između BiH i SAD za opštinsku infrastrukturu i usluge;
- e) Sporazuma između Vlade Republike Italije i Vijeća ministara BiH o konsolidaciji određenih dugova;
- f) Ugovora o odobrenju tranzita za jugoslovenske državljane koji su obavezni da napuste državu boravka;
- g) Aneksa Sporazumu o konsolidaciji duga između Vlade Velike Britanije i Vijeća ministara BiH.

### **Ad – 3: Godišnji izvještaj Centralne banke BiH za 1999. godinu**

U ime Centralne banke BiH obrazloženje izvještaja dao je Kemal Kozarić.

U diskusiji su učestvovali: Rasim Kadić, Rijad Raščić i Ivo Divković, a potom je g. Kozarić odgovorio na postavljena pitanja u diskusiji.

Predsjedavajući je konstatovao da je izvještaj primljen k znanju.

### **Ad – 4: Nacrt zakona o odlikovanjima**

Gospodin Mirko Banjac je prigovorio što sjednici ne prisustvuje predstavnik predlagača Nacrta zakona. Zato je predložio da se razmatranje odloži i uputi ozbiljan prigovor predlagaču zbog takvog odnosa.

Gospodin Rijad Raščić je u svojoj diskusiji, pored ostalog, istakao da je prihvaćeno da se tačka uvrsti u dnevni red i da bi bilo korektno, s obzirom da se radi o nacrtu, da se iznesu prijedlozi i sugestije za unapređenje ovog zakona.

Mišljenju g. Rapčića usprotivila se g. Mara Perkanović, istakavši, pored ostalog, da nema smisla raspravljati o materijalu bez prisustva predlagača, a Sejfudin Tokić je zatražio pauzu od pola sata kako bi se sačekao predstavnik predlagača da dođe na sjednicu. Prijedlogu g. Tokića usprotivili su se i poslanici Desanka Rađević i Mirko Banjac.

Poslanik Rasim Kadić je izrazio slaganje s mišljenjem g. Banjca da se treba štititi diginitet Doma i naglasio da je u tom pogledu već učinjen napredak. Zamolio je g. Banjca da ne bude izričit u zahtjevu da se ovo pitanje ne razmatra, s obzirom da je jednoglasno uvršten u dnevni red i s obzirom da se radi o nacrtu zakona.

Mirko Banjac je izjavio da prihvata da povuče svoj prijedlog, ali je naglasio da treba predlagачe privoliti da sjednicama Doma prisustvuju kad se razmatraju njihovi materijali. Tako je prijedlog povukao, pa je nastavljeno razmatranje Nacrta zakona o odlikovanjima.

U vezi s ovim još je diskutovao g. Sejfudin Tokić. Međutim, niko od poslanika nije diskutovao konkretno o Nacrtu zakona. Zato je predsjedavajući isti dao na glasanje.

Od 22 prisutna poslanika 20 je prihvatilo da Nacrt zakona o odlikovanjima može poslužiti kao osnova za izradu prijedloga zakona.

#### **Ad – 5: Nacrt zakona o konkurenciji**

U raspravi povodom Nacrta zakona učestvovali su Ivo Divković, Tarik Čaršimamović, Ana Havel, Rijad Raščić, Vito Rakić i ministar Jadranko Prlić.

Dom je jednoglasno privratio Nacrt zakona o konkurenciji.

#### **Ad – 6: Nacrt zakona o arhivskoj građi i Arhivu BiH**

Uvodno izlaganje u ime predlagачa podnio je g. Matko Kovačević, direktor Arhiva BiH.

U diskusiji su učestvovali Desanka Rađević, Hilmo Neimarlija i Rijad Raščić.

Nacrt zakona je jednoglasno prihvaćen kao osnova za izradu prijedloga, uz zaključak da se snimak diskusija o istom dostavi predlagачu.

#### **Ad – 7: Inovirani izvještaj o ispunjenju uslova za prijem Bosne i Hercegovine u Vijeće Evrope**

Povodom izvještaja govorio je ministar Jadranko Prlić.

O izvještaju nije bilo diskusije.

Poslanici su Izvještaj primili k znanju.

#### **Ad – 8: Izvještaj o učešću delegacije BiH na 56. zasjedanju UN komisije za ljudska prava (UN CHR) koja je održana u Ženevi od 20. marta do 28. aprila 2000.**

Ni o ovom izvještaju nije bilo diskusije. Dom je izvještaj primio k znanju.

#### **Ad – 9: Odgovori na poslanička pitanja i pitanja poslanika**

Poslanička pitanja su postavili:

##### **Mirko Banjac:**

Šta se nalazi na području pod nazivom “PELIKAN” u glamočkoj opštini i zbog čega stanovnici sela Prijani, Podgrada, Hasanbegovci, Raičke, Dubrave i Milodeškovci ne mogu doći do svojih imanja i ne mogu ih posjetiti?

##### **Rasim Kadić:**

1. Zbog čega se pojedinim elektronskim medijima (radi se konkretno o Nezavisnoj RTV 99) već dvije godine od strane AMSIJA osporava pravo širenja pokrivenosti područja emitovanja Studija 99?

2. U BiH, kada su elektronski mediji u pitanju, postoje mediji koji se finansiraju iz budžeta na raznim nivoima i mediji koji nemaju budžetske donacije niti donacije međunarodne zajednice.

Da li je uobičajena praksa u svijetu ili bi budžetske korisnike trebalo onemogućiti u reklamiranju, a reklame ostaviti isključivo onim elektronskim medijima koji nisu korisnici budžeta.

**Hilmo Neimarlija:**

Koja je institucija nadležna za pokretanje inicijative za preispitivanje ponašanja međunarodnih institucija i organizacija koje djeluju u BiH i koje imaju zaposlene, a ne ispunjavaju obaveze koje su regulisane entitetskim zakonima.

**Rijad Raščić:**

Zamolio da Predstavnički dom Vijeću ministara predloži formiranje institucije koja bi štitila ljudska prava, u skladu sa obavezama preuzetim iz Evropske konvencije i međunarodnih sporazuma.

**Mirko Baković:**

Postavio pitanje u vezi sa smjenom županijskih čelnika: župana Ivića, predsjednika Vlade Mihaljevića, ministra unutrašnjih poslova Ante Barišića i ministra pravde Babića. Izrazio mišljenje da je to od strane OHR-a nekritičko, neproanalizirano i neargumentovano.

Predsjedavajući Pero Skopljak je ovim zaključio rad 22. sjednice Predstavničkog doma.

Sastavni dio ovog zapisnika je magnetogram 22. sjednice.

PREDSJEDAVAJUĆI  
PREDSTAVNIČKOG DOMA  
**Mr Pero Skopljak**